

Oqaluuserisassanut nassuiaat
(Inatsisartut Siulittaasuat)

Naalakkersuisut ulloq 21. oktober oqaluuserisassani immikkoortup 7-ip, 2026-mut aningaasanut inatsisissatut siunnersuutip, aappassaaneerneqarnissaanut allannguutissatut siunnersuuterpassuarnik saqqummiussaqaqput.

Aningaasaqarnermut Ataatsimiititaliaq allannguutissatut siunnersuutitut taakkununga suliarinninnissaanut inassuteqaasiornissaanullu piffissaqarneroqqullugu 2026-mut aningaasanut inatsisissatut siunnersuutip aappaaneerneqarnissaa oktobarip ulluisa 24-annit ullormut immikkut ataatsimiiffiusussamut nutaamut, tassa oktobarip ulluisa 27-annut, siulittaasoqarfiup nuuttariaqarsimavaa.

Tamanna isumaqarpoq tallimanngornermi oktobarip ulluisa 24-anni ataatsimiinnissaq pilersaarutaagaluartoq taamaatiinnarneqarmat ataasinngornermilu oktobarip ulluisa 27-anni ullormik immikkut ataatsimiiffiusumik nutaamik taarserneqarluni. Ulloq taanna ataatsimiinneq nal. 11.00 aallartissaaq.

Aningaasaqarnermut Akileraartarnermullu Naalakkersuisoq immikkoortup 17-ip UKA25-imi oqaluuserisassanit tunuartinneqarnissaanik kissaateqarpoq.

Immikkoortoq 17 ullumi oktobarip ulluisa 22-anni aappassaaneerneqartussaagaluarpog.
Immikkoortup 17-ip qulequtaraa:

Uunga siunnersuut Nioqqutissanik eqqussuineq annissuinerlu pillugit Inatsisartut inatsisaata allanngortinneqarneranik Inatsisartut inatsisaat (Nunatsinnut angalasunik nakkutilliineq kiisalu aningaasanut atoriaannarnut il.il. killiliussamik appaaneq)

Aningasaqarnermut Akileraartarnermullu Naalakkersuisoq

Siulittaasoqarfiup aalajangerpaa immikkoortut ulluni oqaluuserineqarfissamittut pilersaarutigineqartuni naammassillugit suliarineqanngitsoortut 2026-mi upernaakkut ataatsimiinnermut kinguartinneqartassasut, immikkoortut ataatsimiititalianut innersuunneqartut ataatsimiititalianit naammassillugit suliarineqarsinnaanissaat qularnaarniarlugu.

Uku akornanni taasisarnerit pillugit isumaqatigiissuteqartoqarpoq:

Pele Broberg, Naleraq aamma Margrethe Thårup Andersen, Demokraatit.